



GRIJANJE

Javno preduzeće "Grijanje" d.o.o. Zenica, Bilmišće br.107, 72 000 Zenica
telefon +387 32 423 097, fax +387 32 423 099
www.grijanjezenica.ba

Na osnovu člana 70., 71. i 88. Zakona o javnim nabavkama („Službeni glasnik BiH“ broj 39/14), člana 37. i 38. Statuta Javnog preduzeća „Grijanje“ d.o.o. Zenica, na preporuku Komisije za nabavke, broj: 16606/21 od 14.12.2021. godine, Uprava Javnog preduzeća „Grijanje“ d.o.o. Zenica, donosi:

O D L U K U

o izboru najpovoljnijeg ponuđača

I.

Privredno društvo „MAX TRGOVINE“ d.o.o. Zenica, sa sjedištem u Zenici, ul. Muftije Šemsekadića b.b., 72000 Zenica, bira se za najpovoljnijeg ponuđača u postupku nabavke **robe – Zaštitna oprema (odjeća, obuća i dr.)**, putem konkurentskog zahtjeva za dostavljanje ponuda, Obavještenje o nabavci broj: 1091-7-1-384-3-26/21 od 16.07.2021. godine .

II.

Obavezuje se odabrani ponuđač iz tačke I. Ove odluke, da dostavi dokaze o ispunjavanju uslova lične sposobnosti iz tačke 5.1. Tenderske dokumentacije u roku od **5 (pet) dana** od dana prijema odluke.

Nakon ispunjenja uslova iz stava 1. ove tačke, odabranom ponuđaču bit će ponuđen Ugovor o isporuci Zaštitne opreme (odjeća, obuća i dr.), najkasnije u roku od **10 (deset) dana** od dana prijema ove odluke.

III.

Ova odluka objavit će se na web stranici Javnog preduzeća „Grijanje“ d.o.o. Zenica.

O b r a z l o ž e n j e

Na osnovu Plana nabavki Javnog preduzeća „Grijanje“ d.o.o. Zenica za 2021. godinu, broj: 680/21. od 15.01.2021. godine i Odluke o pokretanju postupka javne nabavke Uprave Javnog preduzeća „Grijanje“ d.o.o. Zenica, broj: 9236-2/21 od 09.07.2021. godine, sačinjena je tenderska dokumentacija za nabavku robe- Zaštitna oprema (odjeća, obuća i dr.), putem konkurentskog zahtjeva za dostavljanje ponuda, procijenjene vrijednosti do 6.000,00 KM.

Na osnovu Obavještenja o nabavci broj: 1091-7-1-384-3-26/21, objavljenog na „Portal javnih nabavki: ejn.gov.ba“, dana 16.07.2021. godine , ponudu su blagovremeno dostavila 2 (dva) ponuđača i to: 1. „INTER-COM“ d.o.o. Zenica, ul. Vrandučka br. 71-B, 72000 Zenica, sa ponuđenom cijenom od 5.996,00 KM bez PDV-a i 2. „MAX TRGOVINE“ d.o.o. Zenica, ul. Muftije Šemsekadića b.b., 72000 Zenica, sa ponuđenom cijenom od 6.000,00 KM bez PDV-a.

Provjerom prihvatljivosti dostavljenih ponuda, prema zahtjevu ugovornog organa iz tenderske dokumentacije, utvrđeno je da su dostavljene ponude prihvatljive.

Kako je tenderskom dokumentacijom predviđeno provođenje e-aukcije, zakazana je e-aukcija. Nakon završene e-aukcije, ponuđene cijene se nisu mijenjale, te je sačinjena rang lista prihvatljivih ponuda ponuđača bez obračunatog PDV-a, kako slijedi: 1. „INTER-COM“ d.o.o. Zenica, sa ponuđenom cijenom od 5.996,00 KM, 2. „MAX TRGOVINE“ d.o.o. Zenica, sa ponuđenom cijenom od 6.000,00 KM.

Uzimajući u obzir da je kriterij za odabir najpovoljnije ponude „najniža cijena“, Komisija za nabavke dala je preporuku Ugovornom organu da u skladu sa članom 69. Stav (1), tačka a), te člana 70. stav (3) Zakona o javnim nabavkama („Službeni glasnik BiH“ broj: 39/14), može donijeti Odluku o izboru najpovoljnijeg ponuđača, te da odabranom ponuđaču „INTER-COM“ d.o.o. Zenica, ul. Vrandučka br. 71-B, 72000 Zenica, kao najpovoljnijem ponuđaču za predmetnu nabavku, ponudi zaključenje Ugovora o isporuci Zaštitne opreme (odjeća, obuća i dr.) za potrebe Javnog preduzeća „Grijanje“ d.o.o. Zenica.

Ugovorni organ je na preporuku Komisije za nabavke, donio Odluku o izboru najpovoljnijeg ponuđača broj: 10128/21 od 09.08.2021.godine kojom je za najpovoljnijeg ponuđača izabrano privredno društvo „INTER-COM“ d.o.o. Zenica.

Ponuđač „MAX TRGOVINE“ d.o.o. Zenica je dana 13.08.2021.godine izjavio žalbu na Odluku o izboru najpovoljnijeg ponuđača broj: 10128/21 od 09.08.2021.godine.

Razmatrajući navedenu žalbu, ugovorni organ je ocijenio da je žalba ponuđača „MAX TRGOVINE“ d.o.o. Zenica neosnovana i istu, zajedno sa izjašnjenjem po žalbi broj: 10361/21 od 16.08.2021.godine, prosljedio Uredu za razmatranje žalbi BiH, koja je kod ovog organa zaprimljena 19.08.2021.godine.

Ugovorni organ je donio Odluku o odgađanju postupka javne nabavke broj: 10391/21 od 18.08.2021.godine, kojom je postupak javne nabavke putem konkurentskog zahtjeva za dostavljanje ponuda za nabavku robe „Zaštitna oprema (odjeća, obuća i dr.)“ za potrebe Javnog preduzeća „Grijanje“ d.o.o. Zenica, odgođen do okončanja postupka po žalbi ponuđača „MAX TRGOVINE“ d.o.o. Zenica.

Ured za razmatranje žalbi BiH – Podružnica Mostar, donio je Rješenje broj: JN2-03-07-1-2273-8/21 od 30.09.2021.godine kojim se usvaja žalba ponuđača „Max trgovine“ d.o.o. Zenica i **poništava se Odluka o izboru najpovoljnijeg ponuđača broj: 10128/21 od 09.08.2021.godine, te se predmet vraća ugovornom organu na ponovni postupak.** U svom Rješenju Ured za razmatranje žalbi BiH je, između ostalog, na strani 3. istaklo da je uvidom u dostavljeni Izvještaj o toku i završetku e-aukcije, koji je ovom organu dostavio ugovorni organ, utvrdio da je u istom navedeno da je e-aukcija održana 06.08.2021.godine sa početkom u 13:00:00 sati i završena 06.08.2021.godine u 13:10:00 sati, da su e-aukciji pristupila dva ponuđača Inter-com d.o.o. Zenica i Max trgovine d.o.o. (žalitelj), da nije bilo podnošenja ponuda i da je u dostavljenom Izvještaju o toku i završetku e-aukcije također naveden datum i vrijeme zakazivanja e-aukcije, 04.08.2021.godine u 12:52:02. U svom Rješenju Ured za razmatranje žalbi BiH, također navodi da je žalitelj dostavio sažetak akcija na Portalu javnih nabavki za predmetni postupak javne nabavke u kojem je navedeno da je ugovorni organ zakazao termin održavanja e-aukcije 05.08.2021.godine u 17:32:36 sati, te da ostaje nejasno kako su u izvještajima sa Portala javnih nabavki za predmetni postupak javne nabavke o istim činjenicama navedeni različiti podaci o vremenu zakazivanja e-aukcije.

Na strani 4. navedenog Rješenja Ured za razmatranje žalbi BiH navodi slijedeće: „S obzirom da dostavljeni dokazi o akcijama ugovornog organa u predmetnom postupku javne nabavke potvrđuju dvije oprečne činjenice o istom, odnosno o datumu zakazivanja e-aukcije u predmetnom postupku javne nabavke, a oba dokaza (i ugovornog organa i žalitelja) su pribavljena sa Portala javnih nabavki, na osnovu čega ovaj organ nije mogao utvrditi pravo činjenično stanje, ovaj organ usvaja predmetnu žalbu žalitelja, poništava Odluku o izboru najpovoljnijeg ponuđača broj 10128/21 od 09.08.2021.godine i u skladu sa članom 230. stav (2) Zakona o upravnom postupku, predmet vraća ugovornom organu na ponovni postupak u kojem će jasno i nesporno utvrditi da li je u predmetnom postupku javne nabavke e-aukcija provedena u skladu sa članom 4. stav (3) Pravilnika o uslovima i načinu korištenja e-aukcije, te nakon pravilno utvrđenog činjeničnog stanja donijeti novu Odluku u skladu sa Zakonom o javnim nabavkama i podzakonskim aktima iz oblasti javnih nabavki“.

Kako bi postupio po odredbama Rješenja Ureda za razmatranje žalbi BiH i utvrdio pravo činjenično stanje, ugovorni organ je Agenciji za javne nabavke BiH uputio Zahtjev za dostavu informacije broj: 13012/21 od 07.10.2021. godine kojim je tražio informaciju kada je, uz naznaku tačnog datuma i sata, Javno preduzeće „Grijanje“ d.o.o. Zenica zakazalo e-aukciju, kada je održana i koliko je trajala e-aukcija, te kada je Portal javnih nabavki obavijestio ponuđače o zakazivanju e-aukcije u predmetnom postupku javne nabavke.

Agencija za javne nabavke BiH je u svom odgovoru broj: 05-50-4-2001-2/21 od 22.10.2021.godine navela da je uvidom u sistemu e-Nabavke ustanovljeno da je e-Aukcija u postupku broj 1091-7-1-384/21

zakazana 04.08.2021.godine u 12:52:02, da je uspješno počela u zakazanom terminu 06.08.2021.godine u 13:00:00 i da je završila nakon predviđenog trajanja od deset minuta, odnosno 06.08.2021.godine u 13:10:00.

U svom odgovoru Agencija za javne nabavke BiH navodi da se u periodu od 03.08. do 05.08.2021.godine desio tehnički problem u sistemu e-Nabavke zbog kojeg je došlo do prekida isporuke sistemskih notifikacija, te da je ovaj problem riješila 05.08.2021.godine i sve notifikacije isporučila nakon rješavanja problema.

Agencija za javne nabavke BiH u svom odgovoru je navela da je u postupku javne nabavke broj: 1091-7-1-384/21 (Zaštitna oprema (odjeća, obuća i dr.)) ustanovljeno kašnjenje isporuke notifikacije zbog gore navedenog tehničkog problema, da je notifikacija o terminu održavanja e-Aukcije prema ponuđaču „Max trgovine“ d.o.o. Zenica isporučena 05.08.2021.godine u 17:32:36, te da je navedeni ponuđač izvršio pregled notifikacije u sistemu e-Nabavke 06.08.2021.godine u 13:15:12.

Na osnovu odgovora Agencije za javne nabavke BiH, ugovorni organ je ocijenio da je u predmetnom postupku javne nabavke e-aukcija provedena u skladu sa članom 4. stav (3) Pravilnika o uslovima i načinu korištenja e-aukcije, te dana 26.10.2021.godine donio Odluku o izboru najpovoljnijeg ponuđača broj: 14060/21, kojom se „INTER-COM“ d.o.o. Zenica, sa sjedištem u Zenici, ul. Vrandučka br. 71-B, 72000 Zenica, ponovo bira za najpovoljnijeg ponuđača u postupku nabavke robe – Zaštitna oprema (odjeća, obuća i dr.).

Ponuđač „MAX TRGOVINE“ d.o.o. Zenica je dana 01.11.2021.godine izjavio žalbu na Odluku o izboru najpovoljnijeg ponuđača broj: 14060/21 od 26.10.2021.godine.

Razmatrajući predmetnu žalbu, ugovorni organ je ocijenio da je žalba ponuđača „MAX TRGOVINE“ d.o.o. Zenica neosnovana i istu, zajedno sa izjašnjenjem po žalbi broj: 14496/21 od 05.11.2021.godine, prosljedio Uredu za razmatranje žalbi BiH, koja je kod ovog organa zaprimljena 08.11.2021.godine.

Ured za razmatranje žalbi BiH je dana 02.12.2021.godine donio Rješenje broj: JN-03-07-1-3100-8/21 kojim je usvojio žalbu ponuđača „MAX TRGOVINE“ d.o.o. Zenica, poništio Odluku o izboru najpovoljnijeg ponuđača broj: 14060/21 od 26.10.2021.godine i održanu e-aukciju i predmet vratio ugovornom organu na ponovni postupak.

Polazeći od navedenog, ugovorni organ je ocijenio da je u predmetnom postupku neophodno ponovo zakazati e-aukciju, te je Agenciji za javne nabavke BiH uputio Zahtjev za ponovno zakazivanje e-aukcije broj: 16251/21 od 08.12.2021.godine.

Agencija za javne nabavke BiH je dana 10.12.2021.godine ponovo zakazala termin održavanja e-aukcije za 13.12.2021.godine u 10:00 sati za ugovorni organ Javno preduzeće „Grijanje“ d.o.o. Zenica u postupku broj: 1091-7-1-384/21 – Zaštitna oprema (odjeća, obuća i dr.), uz obrazloženje: u skladu sa članom 111. stav (13) Zakona o javnim nabavkama, kojim je utvrđeno da su rješenja i zaključci URŽ-a konačni i izvršni, te da je ugovorni organ obavezan postupiti po istom, Agencija je mišljenja da se radi o opravdanom slučaju, te se udovoljava podešenom zahtjevu za ponovnim zakazivanjem e-aukcije.

Nakon završene ponovno zakazane e-aukcije za dan 13.12.2021.godine u 10:00 sati, sačinjena je rang lista prihvatljivih ponuda bez obračunatog PDV-a kako slijedi :

1. „MAX TRGOVINE“ d.o.o. Zenica sa ponuđenom cijenom od 5.990,00 KM
2. „INTER-COM“ d.o.o. Zenica sa ponuđenom cijenom od 5.996,00 KM.

Uzimajući u obzir da je kriterij za odabir najpovoljnije ponude „najniža cijena“, Komisija za nabavke dala je preporuku ugovornom organu da, u smislu člana 69. stav (1) tačka a), te člana 70. stav (3) Zakona o javnim nabavkama („Službeni glasnik BiH“ broj: 39/14), može donijeti Odluku o izboru ponuđača „MAX TRGOVINE“ d.o.o. Zenica, sa sjedištem u Zenici, ul. Muftije Šemsekadića b.b., 72000 Zenica, kao najpovoljnijeg za predmetnu nabavku, te da odabranom ponuđaču ponudi zaključenje ugovora o isporuci Zaštitne opreme (odjeća, obuća i dr.) za potrebe Javnog preduzeća „Grijanje“ d.o.o. Zenica.

U vezi naprijed navedenog, donesena je odluka kao u izreci.

Pravna pouka: Protiv ove odluke može se izjaviti žalba ugovornom organu u roku od **5 (pet)** dana od dana prijema iste.

Broj: 16693 /21

Zenica, 15.12.2021.godine



² Direktor ^{Usp}
Drino Vahdet

Drino Vahdet

Dostaviti:

- 1 x Ponuđač – putem mail adrese
- 1 x Uprava preduzeća
- 1 x Arhiva javnih nabavki